

DIRETOR DNSPP HUSU KOMUNIDADE SIRA LABELE ESTRAGA SASAN ESTADU

Quarta 25 Marsu 2015, Ministeriu Interior liu husi, Sr. Francisco da Silva, hanesan Diretor Nasional Interinu ba Diresaun Nasional Seguransa Patrimoniun Publiku (DNSPP), hala'o programa entrevista interativu kona-ba divulgasaun informasaun Governu nian iha programa "Lidun Governu" iha Radio Metro FM, Mascarenhas - Balide Dili. Programa refere hala'o kada loron Quarta dader oras tuku 09:30 Otl durante minutu 30 nia laran.

Iha entrevista interaktivu ne'e Diretor Nasional Seguransa Patrimoniun Públiku (DNSPP) Sr. Francisco da Silva informa katak, "Ami nia vizaun la ses husi planu estrategiku husi planu anterior Sekretaria Estado Seguransa (SES) nian iha V governu konstituisional. DNSPP nia misaun maka para atu fo seguransa hodi bele asegura patrimoniun públiku ou patrimoniun estadu nian atu garantia páz no estabilidade hodi partisipa ativamente ba prosesu dezvoltamentu nasional ka konstrusaun estadu nian. Tamba ne'e mak ami labele ses husi Lei Organika No.6 ba VI governu konstituisional nian katak iha kompetensia ba Sr. Ministru Interior artigo 30 iha ne'ebá iha G H no I dehan katak, asegurar e proteasaun da liberdade e da seguransa das pessoas e dos bens. Ne'e kompetensia husi DNSPP nian no mós atu jere seguransa do patrimonio mobiliario e imobiliario, e iha alinel iha artigo 30 dehan katak regularizar, fiskalizar, e kontrolar os exercisios da entidades do segurança privada. Vizaun improtante hakarak atu hametin kontrolo sasan estadu nian ne'ebé mak tuir kompetensia VI governu konstituisional fo mai ami. Ida nemaka vizaun no misaun ami nian. Haktuir Diretor ne'e.

Servisu jeral ka kna'ar husi DNSPP nian maka, ami fo kompetensia atu asegura patrimonio públiku ou patrimonio estadu nian ne'ebé lor-loron ami nia gurada ou elementu sira kuaze koloka iha territoriu laran tomak, edifisius ou postu administrativu mai to edifisius munisipius no mos ba edifisius orgaun soberania nian no mós ba iha rezidencia institutar sira no ba mos iha fatin turistiku sira, ne'e mak lor-loron ami proteje asegura patrimoniun estadu nia ne'ebe mak fo kompetensia mai ami, fatin turistiku hanesan Cristo-Rei, São Paulo ne'e patrimoniun públiku ne'e mak ami tenki koloka ami nia pesoal iha ne'ebá para asegura estadu investe iha ne'ebá e depois de aban bairua estadu bele fo retornus.

Programa prioridade ba tinan ida ne'e mak hanesan, primeiru lugar ami atu hadia ami nia jestaun iha diresaun ne'e nia laran, tuir fali ami presiza fo kapasitasaun ou formasaun ba ami nia ema sira ne'e para bele eleva sira nia koñesimentu hodi bele hala'o servisu seguransa ne'e ho diak liu tan, tanba ami hare ba iha fatin hotu-hotu, ita nia gestaun ne'e sei fraku tebes, tanba ne'e ami hakas an hodi hadia jestaun ba Rekursu Humanos, hadia jestaun ba materias no ba finanseira hodi ne'e bele apoia servisos operasoens sira ne'ebé ami halo.

Liga ba rekursus humanos husi DNSPP rasik, hare ba kuantidade mais ou menus suficiente ona, maibe hare ba qualidade ne'e ladun diak, mais ne depende ba evolusaun dezvoltamentu nasional Timor-Leste nian, tanba kuandu governu iha planu depois aumenta konstrusaun edifisius, otomatikamente ami aumenta tan rekursus humanos para depois bele asegura patrimoniun estadu sira ne'e, agora dadaun ami la'o ho rekursus humanos ne'ebe ho número 2.45 maibe ita hare kuantidade barak mos qualidade servisu ne'ebé diak sei fraku tebes.

Kooperasaun ne'ebé durante halo mak, ami DNSPP halo kooperasaun ho instituisaun balu, iha tinan

2008 mai to 2009 ami halo kooperasaun ho governu Fransa sira apoia polisia balu mai treinu ami nia ema mak hanesan, formasaun fizika, formasaun jestaun no buat barak sira simu. Agora dadaun ne'e sira 30 pessoas tuir ona formasaun, e sira 15 pessoas ne'e sai hanesan formador ne'ebé tinan-tinan ami iha orsamentu ba formasaun guarda, sira 15 pessoas ne'e mak sai formador ba básika sira. Ami mos sei koopera ho funsaun públika atu sira bele tuir kursu ingles, portugues atu nune'e bele eleva tan sira nia koñesementu hodi bele halo servisu diak liu tan, e ami mos koopera ho UNDP iha 2010 sira apoia ami hodi forma ami nia ema, maibe formasaun hirak ne'e seidauk to'o tanba ne'e ami tenta bei-beik atu kopera ho instituisaun sira seluk atu nune'e bele fo formasaun ne'ebé mak diak ba ami nia ema atu nune'e bele kontribui ba patrimoni u públiku.

Liña kooperasaun servisu DNSPP durante ne'e kobre Ministeriu hotu-hotu, inklui PNTL e ami sempre koopera hamutuk, hodi patroliha hamutuk iha kapital Dili, hodi bele hare ba vendedores ambulantes sira ne'ebé mak fan iha estrada partikular sira, no mos balu permanese liu iha estrada partikular sira ne'e ami muda ba iha merkadu Taibesi no merkadu Manleu. Ne'e kooperasaun ho Ministeriu Estatal e iha Ministeriu Turismo mos hanesan, ami sempre koopera kona-ba seguransa ba Carnavais sira seguransa ba 13 Munisipios ne'ebé mak mai apresenta sira nia produktu lokal iha Tasi-Tolu buat sira ne'e ami sempre koopera hamutuk.

Konaba obstakulus ami DNSPP hasoru maka, atu dehan deit katak, iha ema barak ne'ebé mak tuir formasaun ladiak taun servisu ne'e lao mos la ho diak, difikuldades seluk mak hanesan la iha Rádio komunikasaun, entaun ami labele halo liña koordinasaun ne'ebé mak diak, transporte e ekuipamentus seluk-seluk tan, entaun ne'e sai limitadu ba ami, la kondis ho ezistensia membrus sira ne'ebé mak iha. Iha parte seluk ami nia membrus ne'ebe mai husi postu administrativus mai to iha sentrais maibe fardamentus mos sei limitadu. Tanba ne'e ami sei hadia atu nune'e tinan tuir mai buat sira ne'e hotu bele la'o ho diak liu tan. E liga ba susesu ami rasik labele dehan ami ne'e susesu, so fila fali ba instituisaun, membru governantes ou comunidade sira mak bele determina ami ne'e susesu ga lae, e ami fiar katak iha tinan barak lahanesan ho tinan oin mai governu fo konfiansa mai ami entaun ida ne'e mak ami nia susesu, patrimoni u estadu ami mak tenki fo seguransa entaun liu husi buat sira ne'e mak bele determina ami nia susesu.

Karik ami identifika kazu ruma ne'ebé la tuir regra, ami hare iha parte rua, ami servisu hasoru comunidade ne'e esternal, kuandu ami halo atusaun mak comunidade sira halo reasaun hasoru, ami tenki liga ba instituisaun ne'ebé mak kompotente hodi rezolve tuir lei ne'ebé mak iha ne'e sira nia kompotente, liga fali ba kazu internal karik iha elemetus balu ne'ebé mak la tuir regra, ne'e mos ami presiza atu rezolve tuir lei Funsau Públika, mesmu ke ami natureza servisu seguransa maibe ami sei regulariza Lei husi Funsau Públik e durante ne'e problema saida deit maka ami hasoru ami sempre hola medidas hosi rezolve tuir Lei ne'ebe vigor iha RDTL ne'e.

Ikus liu, ha'u hatu'o liu hau nia lia menon ba comunidade katak, ami ne'e ajensia barak mak sei bolu ami ne'e seguransa sivil, mos tuir lolos ne'e lae, tanba seguransa sivil ne'e iha 2002, e iha 2004 ne'e muda ba DNCA, e iha 2008 DNSEP e agora dadaun iha 2015 ida ne'e ami nia naran mak DNSPP, ami nia funsau mak atu asegura patrimoni u públiku estadu nia hotu-hotu e hau nia lia menon karik comunidade sira rona, sasan ne'ebé estadu nia ne'e ita hotu nia, ita labele estraga, ita labele sunu, ita labele lori, e ita labele naok ne'e estadu nia tanba ne'e ita hotu presiza fo protesau ba sasan sira estadu tau atu nune'e ita nia dezvoltamentu nasional bele lao ba oin, e hau mos la haluha atu hatu hau nia lia menon ba Ministru Interior ne'ebé mak hanoin diak, ami hakarak husu para DNSPP iha buat ruma ne'ebé la dun diak bele atu hadia, e iha buat ruma ne'ebé mak ami hakarak atu halo husu ba Sua Exelensia Sr. Ministru Interior atu ajuda supporta ami, liu-liu ba estatu pesoal ruma durante ne'e ami hein ladauk iha, agora iha espiritu VI governu konstitusional ami husu atu halo ona Lei

ruma ba ami nia elementus sira fo motivasaun fo espiritu ba sira. Iku Pires